

AKASHVANI AIZAWL

REGIONAL NEWS BULLETIN

HEADLINES (EVENING)

1. Larsap General (Retd) Vijay Kumar Singh an rualkhai taka hmasawna kalpui turin ram dang leh state thenawmte nena inrinaah hmasawna ruhrel siam ngaih pawimawh a tul a ti.
2. Mizoram State Election Commissioner Dr. H. Lalthlanglana chuan Aizawl Municipal Corporation inthlan 2026 atan ruahmanna leh inbuatsaihna peihfel a ni tawh a ti.
3. Wawiin khan Lok Sabha-ah Women's Reservation kaihhnawih bill pathum sawiho chhunzawm a ni.
4. West Asia buaina a chhuah hnuah India mi 2361 chuan dam takin Iran atangin India an lo let leh tawh.

<><><>

GOVERNOR

Larsap General (Retd) Vijay Kumar Singh an rualkhai taka hmasawna kalpui turin ram dang leh state thenawmte nena inrinaah hmasawna ruhrel siam ngaih pawimawh a tul a ti.

Wawiina Mamit Aspirational District-a Silsury khua tana hman tur Ambulance, NBCC (India) Ltd., CSR Fund kaltlanga lei a vailiamnaah thusawiin Larsap chuan ramri hrula khuate chu ngaihven zual a ngai a, anih loh chuan mipuite bawkin an tuar thin a ni, a ti a. Sawrkar laipuiin district hnufual 'Aspirational District' te a ngaih pawimawh thu sawiin, NBCC-te chu ramria hmasawna ruhrel thawk nasa an nih avangin, ramri depa chengte mamawh leh hmasawna turte ngaipawimawh zel turin a chah nghal bawk.

NBCC (India) Ltd., hi 1960 ah din niin, Sawrkar laipui hnuah hmasawna ruhrel lian tak takte an thawk thin a, Mizoramah chuan India leh Bangladesh ramri hung hna thawkin, thawh tur bituk an pek 189 km atangin 98 km an zo fel tawh a, hmabak dang awmte Lawngtlai District-ah an thawk mek a. Tunhnaikhan Mamit District chhung Dampa Tiger Reserve Forest area-a ramri hung hna an zawh fel tawh 55 km a thui leh Border Outpost (BOP) 5 te chu a enkawl tur hnenah an hlan fel tawh a ni.

(DIPR)

<><><>

POSHAN PAKHWADA

Ram puma nu leh naute tana chaw tha ei pawimawhzia inhrilhhriatna Poshan Pakhwada 2026 hman mek kal zelah vawiin khan 'State Consultation Meet on Maternal Health, Child Health & Early Childhood Stimulation' neih a ni a.

He hun hi Women & Child Development buatsaih niin Aijal Club-ah hman a ni a. Women & Child Development Director Pi Zoramthangi Chhange chuan, Poshan Pakhwada a lo pian hnuah hmasawna a kal nasa tih a sawi a, nau buk dan pawh tunah chuan an san zawngte buk niin an rih zawng ringawt ni loin an sei zawng leh an san zawng te nen an inmil em tiin BMI te endik vek a ni tawh a ti a. Anganwadi hnathawkte pawhin Delhi atanga an lo endik theih turin hna an thawk vek tawh tih sawiin, khawl thil thenkhatah harsatna te chu lo awm ve thin mah se hma lam an pan zel tih sawiin, naute in eitur tha a ei theih nan pawh hmalak zel a ni tih a sawi bawk.

(Byte: Pi Zoramthangi Chhange)

Wawiin hun hmanah hian Health & Family Welfare Department, AYUSH, DIET, MZU (Psychology Dept & Dept of Clinical Psychology), Child Guidance Centre & Women & Child Development-te an kal khawm a, Maternal Health lama hmasawna tur leh hmalak ngaihna te, Naupang hriselna, Early Stimulation leh Screen en tam, phone khawih tam chungchanga hmasawna leh a enkawl dan zirho a ni.

Khawzawlah chuan vawiin khan Khawzawl ICDS Project chuan Electric veng YMA Hall-ah nausen thla 6 atanga kumkhat inkar inbawhvahsiakna leh ECCE Festival an hmang.

Wawiin hun hman hi Khawzawl CDPO Pi Esther Laltlinpui chuan a kaihruai a. He hunah hian Poshan Pakhwada hman mek chungchang leh a pawimawhna te a sawi bakah ECCE pawimawhna sawiin Anganwadi-ah naupangte chu School kal turin zirtir a, kaihruai thin an ni a, naupangte Anganwadi nuam an tih theihna tura naupangte kaihruai a, enkawl thiam an pawimawh tih a sawi.

He hunah hian naupang inbawhvahsiakna (Crawling) neih niin a hmasa pathum hnenah lawmman pek an ni a. Hei bakah hian ECCE Festival-ah Anganwadi Centre 28 atangin Worker ten naupangte zirtirna tura an thil siam hrang hrangte an entir a ni.

(CORR Tsa & Lalsangpuii, PTC Khawzawl)

<><><>

SEC PRESS STATEMENT

Mizoram State Election Commissioner Dr. H. Lalthlanglana chuan Aizawl Municipal Corporation inthlan 2026 atan ruahmanna leh inbuatsaihna peihfel a ni tawh a ti.

HetiHLai hian, an thudik ziktluak lo leh tawngkam uchuak, mi rilru tina thei ang chi a Vote zawng lo turin Political Party hrang hrang te a ngen a, Political Party hrang hrang ten mipui Vote an zawng na ah thudik ziktluak lo finfiah mai theih si loh te, mi rilru tina thei tawngkam mawilo leh mimal inbeihnate campaign na hmun hrang hrang Media leh Social Media ah a awm zeuh zeuh thin tih hriat a ni a ti a, hetiang laka inthiarfihlim tura an Party Worker theuh te thunun ni se a ti a, hemi chungchangah hian Mizoram People Forum hruaitute puihbawmna a ngen bawh.

Dr Lalthlanglana chuan naktip tlai dar 5-a Campaign tawp hun Silent Period chu voter ten rilru fim tak hmanga ngaihtuahna an sen theih na tur atana tih a ni a ti a. Silent Period chhunga campaign chu voter te zahlohna anih thu sawiin Political Party hrang hrang te chu hemi laka insum turin a ngen bawh a ni.

State Election Commissioner Dr Lalthlanglana ho hian vawiin khan Political Party hrang hrang hruaitute bakah Mizoram People Forum hruaitute, DC, Aizawl, SP, Aizawl leh Official pawimawh dangte an tel a, vote thlak ni atan venhimna pawh uluk taka kalpui a ni dawn tih sawiin ruahman dan chuan April ni 21-ah Police 657 an Duty dawn a, engkim tluang taka a kal theih ngei a beisei thu a sawi a ni.

Dr Lalthlanglana sawi danin, Model Code of Conduct (MCC) bawhchhiatna chungchangah complain pahnih a lut tawh a, chung thuah chuan vawiin tlai dar 4 thleng khan insawifiahna hun pek an ni a, hemi chungchanga thutlukna naktuk hian hriat theih a nih a rin thu a sawi.

(CORR TSa)

<><><>

ZPM

ZPM Party chuan Aizawl Municipal Corporation (AMC) liam ta ah Tuiriala Solid Waste Management Center atan tul vak loah cheng vaibelchhe 4 leh nuai 92 sen a ni an ti.

Vawiin khan Aizawl Press Club-ah ZPM Party hian Chanchinbu mite kawmin, Corporator hlui Pu Malsawmzuala Ralte chuan kum 2022 January 20 khan SIPMIU chuan Tuiriala Solid Waste Management Center chu AMC kutah a hlan a ti a, cheng vaibelchhe 13leh nuai 32 sengin DPR ang chiahin kum 2019 December-ah siam zawh tawh a ni tih sawiin, hetiang a ni chung hian MNF AMC sorkar chuan hemi atan hian cheng vaibelchhe 4 leh nuai 92 a hmang leh chu tul vak lo a sum sen ralna a ni, a ti a. Landfill an khawih zuina hi AMC chuan tender pawh chhuah loin Departmental Work-in an thawk a ni, a ti bawh.

Pu Malsawmzuala Ralte chuan Ward Development Fund pawh an dawng kim lo tih sawiin, cheng nuai 68 an dawn tur zinga cheng nuai 28 chiah an dawng tih sawiin, corporator ward fund cheng nuai 40 pe chhuak kim lo chungin MNF AMC sorkar chu a liam tih a sawi bawh.

Aizawl khawpui chhunga vawh vulh chungchangah pawh, ruahmanna an siam angin an kalpui lo nia sawiin, a buaipui tur Committee an din aain Aizawl khawpui Local Council ho an rawn ta zawk tih an sawi bawh a ni.

Vawiin khan Lunglei Municipal Council (LMC) Chairman Pu Lalzuithanga leh Pu Zorinsanga Hmar, Executive Member Finance changtu chuan Financial Year 2024-25 ULB Grant chhunga cheng nuai 922 lakh leh Financial Year 2026-26 chhung a an dawn tur cheng nuai 946 belhkhawm cheng vbc 18 nuai 69 an dawn lohna chhan chu MNF hunlai a, State Sorkar in a thawhpui that loh vang a ni an ti a.

Kum 2023, April thla a LMC Councillor te lakluh an nih atang khan 15th Finance Commission, ULB Grant hmu turin Tax khawn ngei ngei tur a tih a ni a, chumi ang chuan May ni 9 atangin assessment tih nghal a ni a, Sept 2025 ah Tax hi khawn tan nghal a ni an ti. Tax an khawn tlai avang hian ULB Grant hi hmu ta lo an ni tih sawiin tun Financial Year thar atang chuan hmuh theihlohna chhan tur a awm tawh lovang an ti.

<><><>

MNF

MNF Party chuan ZPM sorkar chu RTI Act pawngsual nasaah a puh a,

MNF Legal Board Vice Chairman Pu Lalpianfela Chawngthu chuan Aizawl Press Club-ah Chanchinbu mite kawmin he thu hi a sawi a, RTI hmanga zawhna a hun taka chhanna pek loh te, zawhna inang reng chhanna inang lo te, minister thusawi mila zawhna chhanna te pawh a awm hial niin a lang a ti a, ZPM sorkar chu thudik sawi ngam loah an ngai tih a sawi a ni.

Pu Lalpianfela chuan Lengpui ram Indian Airforce hnena hralh chungchang chu ZPM sorkar in CBI chhui tir a tum tak tak lo niin a sawi bawh a, ZPM sorkar chuan a chhuitir ngam lo tih a chiang tawh a ti. Lengpui Land Scam CBI chhuitir tura MNF party in an nawrna, ZPM sorkarin a bawhzui danah CBI hnena chhui phalna consent an pekna notification tih chhuah bak hmalakna mumal engmah zawh chhuah tur a awm lo niin a sawi a, ZPM sorkar chuan chhuitir a tum tak tak lova, a chhui tir ngam lo tih a chiang tawh, a ti.

(Byte: Pu Lalpianfela Chawngthu)

MNF Party chuan Sairang Kolabari rama sipai lak turah ZPM mi leh sate chu sum leh paia hlawkna umin an hmanhlel mek niin an sawi a, heng bakah hian ZPM sorkarin RTI Act an namnul hle niin an sawi baw a. RTI hmanga zawhna chhan mai loh te, zawhna inang reng si a chhanna inang lo te a awm thin niin an sawi baw a ni. Khua leh tui ten thu dik leh tha hriat chu an chanvo a ni tih sawiin, hemi kawngah hian ZPM sorkar chu a dawihzep niin an sawi baw a ni.

(CORR)

<><><>

LUNGLEI ZOBAWK

Lunglei District Magistrate Pi Navneet Mann chuan Lunglei Zobawk khaw chhunga National Highway kawng laih zauh leh siam that hna thawh mekah hna hmanhmawhthlak zual ruahmante a hun taka zawh a nih theih nan leh, tluang tak leh tha taka hna thawktute'n hna an thawh theih nan Executive Magistrate duty tur a ruat a.

Anni hian District thuneitute, NHIDCL leh contractor BRN Infrastructures Pvt Ltd, Sub-Headquarters YMA leh Zobawk Joint Action Committee te nena inbiak remna anga hna thawh tur ruahmante tha taka thawh a nih theih nan a tul angin a hmunah thut chilhin an vil dawn a ni.

(Thangmingliana Lunglei PTC)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Chanchinthar hi naktuk zing dar 7 leh a chanve-ah puan leh a ni ang.

<><><>

PARLIAMENT ON WOMEN RESERVATION

Vawiin khan Lok Sabha-ah Women's Reservation kaihhnawih bill pathum sawiho chhunzawm a ni. Vawiina bill sawiho te hi Constitution (One Hundred and Thirty-First Amendment) Bill, 2026, the Delimitation Bill, 2026, and the Union Territories Laws (Amendment) Bill, 2026 te an ni a. Lok Sabha leh State Assembly ah hmeichhia tel zat an pun theihna tur dan a ni. Sawihonaah hian Congress hruiatu leh Lok Sabha Opposition leader Rahul Gandhi chuan Nari Shakti Vandan Adhinyam chu women's reservation a ni lo tih sawiin hmeichhiate dinmun chawisan lamhawi a ni lo tiin a sawisel a. Ramchhunga inthlan dan ruangam thlak danglam tumna mai niin a puh a ni. Pu Gandhia chaun he dan hian hnam hnuaihngung Dalit leh OBC te tan an dinmun chan tur a chhuhsak dawn a ti a. Caste Census hnawlin Women reservation bill hi siam a nih tih sawiin OBC, Dalit, minority leh hmeichhia te a enkan daih a ti baw.

Congress MP dang Shashi Tharoor pawhin Parliament leh Assembly bial tihpunna tura dan ruahman Delimitation Bill chu hun rei zawk ngaihtuah nise a duh thu a sawi baw. Hetihlai hian sawihonaa tel Defence Minister Rajnath Singh-a chuan Rahul Gandhi chu Prime Minister a beih danah ngaihdam dil turin a phut a. Union minister Kiren Rijiju pawhin Pu Gandhi-a tawngkam chu thalo a tih thu a sawi baw a ni.

Union Minister HD Kumaraswamy pawhin thusawiin hmeichhiate tana seat hauhsak chu a thlawp thu sawiin ram zalen hnu kum 75 ah sawrkarin thutlukna huaisen tak a siam ta a ni a ti baw.

(Newsonair)

<><><>

INDIANS RETURNED FROM WEST ASIA

West Asia buaina a chhuah hnuah India mi 2361 chuan dam takin Iran atangin India an lo let leh tawh. Vawiina New Delhi-a chanchinbumite kawmin Union Ministry of External Affairs thupuangtu Randhir Jaiswal chuan Armenia kaltlangin mi 2060 leh Azerbaijan kaltlangin mi 301 an lo haw a ti a.

Pu Jaiswal-a chaun Israel leh Lebanon ten inkahhai an puang chu India chuan lawmawm atih thu sawi bawkin remna zawnga hmalakna reng reng chu India chuan a thlawp a ni a ti baw.

(Newsonair)

<><><>